

put ejus perforatur, sed firmissima constantia pecto-
ris ejus a charitate non recedebat Omnipotens.
Corpus suppicia patitur, sed salutem vite æternæ
acquirit. O felix constantia! o spes inenarrabilis,
qua, dum clavorum non timuit sustinere cruciatus,
ante omnipotentis Dei clementiam meruit pervenire
laureatus! Laureatus, inquam, ante Dominum beatu-
tus Marcus advenit, et mox intersanctorum catervas
a Domino est Jesu Christo locatus. Hic est martyr
beatissimus, hic est præsul dignissimus, hic est
principis apostolorum discipulus, hic est Jesu Chri-

sti Domini nostri prædictor testisque magnificus.
Sed quoniam ipsius hodie veneranda natalitia cele-
bramus, eum, tanquam patronum nostrum, flagite-
mus omnibus quatenus pro nobis assidue interce-
dat ad Dominum; decens siquidem est ut quem præ-
dicatorem et doctorem veritatis habuimus in terris,
adjutorem pariter habere mereamur in celis, quod
Christus Jesus Rex regum omnium concedat æter-
nus, qui vivit et regnat cum Patre et Spiritu sancto
per omnia sæcula sæculorum. Amen.

DOMNI LEONIS

SERMO

IN OCTAVA S. MARCI EPISCOPI ET MARTYRIS.

Hodie, dilectissimi, octavum diem sanctissimi mar-
tyris et pontificis Marci celebramus, in quo calcavit
diabolum persequentem, vicit mundum blandien-
tem, et sub pedibus suis conculcavit imperatorem
fremen tem. Quanta enim gloria et quibus honoribus
in hoc mundo claruit, et qualiter apostolorum prin-
cipis factus auditor, qualiterque ad coelestia regna
migravit, cum ejus passio legeretur, audistis; recte
igitur sancti martyris et præsulis solemnia usque
ad diem celebrantur octavum, qui septem tempora,
id est, septem a sæculo leges per septem dies, quibus
vita humana designatur, conservans, octavum
diem, qui resurrectionis et judicii est, in cordis
arcano retinens, pro fide Christi mori non timuit.
Quod vero partes septem, necnon et octo, unusquis-
que fidelis dare debeat, Salomon declarat dicens:
« Da partes septem nec non et octo. » Dies enim,
fratres, in sancta Ecclesia declarantur tres, ante le-
gem, sub lege, et sub gratia; declarantur et septem
per septem a sæculo leges: sed jam, prout Dominus
dederit, prædictum numerum qualiter intelligendus,
et unicuique sit aptandus, et quid mystice signet,
vestrae fraternitati promamus.

De primo die.

In primo namque numero intelligimus Deum Pa-
trem omnipotentem. In secundo Jesum Christum Fi-
lium ejus Dominum nostrum. In tertio Spiritum
sanctum, a Patre et Filio procedentem. Et hi tres
unum sunt, unum in deitate, et tres in personis.
Dies autem Deus Pater est, dies Filius est, dies Spi-
ritus sanctus est. Dies diei, Filius de Patre est. Ipse
et sol justitiae est. De hoc die per prophetam dicitur:
Timentibus Deum orietur sol justitiae. Ergo si Pa-
ter et Filius dies sunt, et dies lux est, patet nimis
quia Spiritus sanctus vera illuminatio est, illumi-
nans corda et fidelium mentes. Per primam vero
diem accipendum est unum Deum, unam fidem,

B unum baptismum; similiter et per primam diem pos-
sumus intelligere ab Adam usque ad Noe, et unius-
cujusque hominis infantiam, et correptionem, et
inscriorum predicationem.

De secundo die.

In secundo vero numero intelligere debemus legem
et gratiam, timorem et poenitentiam. Pedes recti,
juxta illud: « Recti diligunt te; » et speciem electri,
id est, Filii Dei incarnationem; nec non et corpora
et anima, vitam activam et contemplativam, practi-
cam et theoreticam, sensum historicum et allegori-
cum facere et docere, uniuscujusque pueritiam; ac
juxta Domini præceptum esurientes resuscitere. Et tem-
pus a Noe usque ad Abraham est delinquentium in-
crepatio; per legem namque homines a peccato coer-
centur, per gratiam peccatoribus ignoscitur, per ti-
morem misericordia poscit, per poenitentiam
peccatoribus venia datur, per pedes in viam man-
datorum Dei curritur, per electrum Filii Dei incar-
natione demonstratur.

De tertio die.

In trino numero intelligimus Trinitatis myste-
rium, et tres chordæ in cithara, Deum per artificis
manum laudantes, ac tres dies ab origine mundi,
ut ante jam dixi, usque ad consummationem sæculi.
Sunt enim itinere trium dierum Pater ingenitus,
Filius unigenitus, Spiritus sanctus ab utroque pro-
cedens, Pater in voce, Filius in humana natura,
Spiritus sanctus in specie columbae et ignis. In libro
namque Ezechielis tria verba descripta ostendit illi
Deus, lamentationes, carmen, et vœ; per lamentum
poenitentia, per carmen gaudium æternæ beatitudi-
nis, per vœ supplicia æternæ damnationis figurantur.
Tres etiam res sunt propter quas unusquisque
fidelis ad Ecclesiam pergit ad baptismum et judicium
percipiendum, et corpus ac sanguinem sumendum;
in vivisca quidem hostia tres colores conspiciuntur;

species formæ, candor et rubor. Unde David de ejus specie sic ait: « Speciosus forma præ filiis hominum; » in candore carnem virgineam, in rubore mysterium Dominicæ passionis. De hac vivifica hostia tres partes exinde facit sacerdos, primam in patena, secundam in calice ponit, tertiam ipse sacerdos sumit: prima pars, quæ in patena ponitur, significat Incarnationem Filii Dei; secunda, quæ in calice ponitur, corpus incorruptibile quod in sepulcro latuit; tertia, quam sacerdos accipit, Christi resurrectionem designat.

De quarto die.

In quarto vero numero accipimus figuram quatuor animalium, et quatuor rotarum, ac quatuor annulos areæ; et quatuor principales virtutes, prudentiam scilicet et justitiam, fortitudinem et temperantiam; vel quatuor mundi partes; aut hominem ex quatuor elementis creatum; et quatuor flumina ex uno paradiiso manantia. In quarto etiam loco scribitur illud quod Deus dixit: « Fiat lux, et facta est lux: » in quarto quoque loco hominis ponitur juventus, et tempus a Moyse usque ad transmigrationem B. bylonis.

De quinto die.

In quinto numero intelligimus quinque libros Moysi, et tempus transmigrationis Babylonis usque ad David; vel quinque sensus corporis, visus videbilec, auditus, gustus, odoratus et tactus; similiter etiam et in hoc numero describuntur quinque plagæ corporis Christi in cruce pendentis, et quinque claves sapientiæ, quinque quoque panes hordeacei, de quibus Dominus satiavit quinque millia hominum.

De sexto die.

In senario numero accipiendum est infirmorum visitationem, necnon et hominum senectutem, atque perseverantem sub Evangelio famulatum, et tempus a transmigratione Babylonis usque ad Christum: simul etiam in senario numero Deus cuncta creavit et ordinavit, in sexto die hominem fecit, et in ea ætate mundum redempturus advenit. In sexta quoque hora pro nostra salute Deo Patri Christus semet ipsum sacrificium obtulit. In nuptiis vero, quæ in Cana Galileæ factæ sunt, sex hydriæ positæ sunt; prima hydria est ab Adam usque ad Noe, secunda a Noe usque ad Abraham, tertia ab Abraham usque ad Moysen, quarta a Moyse usque ad David, quinta

A a David usque ad transmigrationem Babylonis, sexta a transmigratione Babylonis usque ad Christum: capientes singulae metretas binas, id est Vetus et Novum Testamentum.

De septimo die.

Per septenarium namque numerum sanctorum apostolorum intelligimus, de quibus Dominus ait: « Vos estis lux mundi; » septem etiam invenimus esse dona Spiritus sancti, id est, sapientiæ et intellectus, consilii et fortitudinis, scientiæ et pietatis, ac timoris Domini; in sancta quoque Ecclesia septem dona Spiritus sancti unusquisque fidelis accipit, id est pabulum salis, ecclesiæ introitum, sputum, oleum unctionis, baptismum Christi, chrisma sacerdotum, et chrisma pontificum. Septem quoque sigilla in Apocalypsi Joannis legimus, primum sigillum est, annuntiatio Incarnationis Filii Dei; secundum, baptismus; tertium, passio; quartum, resurrectio; quintum, ascensio; sextum, judicium; septimum, meritorum retributio; sunt et septem beatitudines: regnum cœlorum, possessio terræ viventium, consolatio, justitiæ societas, misericordia, visio Dei, et filiatio Dei.

De octavo die.

In octonario numero sanctam Scripturam intelligimus, et dilectionem Dei et proximi, ac speculan- C tium vitam, et tempus generale resurrectionis, vel hominum decrepitam senectutem. Octavus dies apud unumquemque filii est vita præsentis et initium vita future; octavum diem significabat cataclysmus factus sub Noe, in quo octo animæ salvæ factæ sunt; et in Ecclesiaste Salomon loquitur: « Da partes octem nec non et octo; » septem namque et octo quindecim faciunt, et quindecim sunt cantica graduum quæ filii Israel quando ad templum conveniebant, decantare soliti erant. Christus est dies pri- mus, septimus et octavus; primus, ante quem nullus; septimus, quia in ipso septem dona Spiritus sancti requievere; octavus, quia æternus ac sempiternus est; octo etiam beatitudines Dominus in monte suis discipulis exposuit, quas martyr hic sanctissimus et pontifex almificus in se retinuit et excrevit. Nunc itaque enixius flagitemus hunc martyrem et pontificem Maxcum ut pro nobis indignis omnipotenti Deo preces effundat, ut qui Pater, tutor et defensor nobis exstat in terris, cum socium mereamur habere in cœlis, ipse adjuvante qui vivit et regnat in seculorum. Amen.